

NEWS LETTER

BRČKO DISTRIKT BIH

- 1 -


Avгуст 2024.



Najveći poslovni skup dijaspore održan u Brčko distriktu BiH

BhdiaFor, najveći poslovni skup dijaspore u BiH, okupio je u Brčko distriktu BiH više od 80 učesnika iz zemlje i inostranstva. Deveto izdanje Biznis foruma, uz podršku projekta USAID Diaspora Invest, pružilo je priliku za stimulanje investicija i uspostavljanje saradnje između domaćih i dijasporskih kompanija.

Pod sloganom **“Investicija u siguran rast”**, organizovani su direktni B2B susreti i predstavljena ponuda brčanskog kraja, koji je prepoznat kao područje s velikim razvojnim potencijalom i idealna destinacija za ulaganja iz dijaspore.



Gradonačelnik prim. dr. Nišić: Smanjivanje distance između dijaspore na 7 kontinenata svijeta i Brčko distrikta BiH



„Svaki peti zalogaj u BiH daje dijaspora. Zbog toga je važno da institucije ustanove ministarstvo dijaspore koje bi bilo dio zakonodavne vlasti. Kad bismo išli tom analogijom, trećina poslanika u našoj skupštini bi bila iz reda dijaspore. Zamislite kolika bi to bila snaga, inovacija, implementacija iskustava, znanja i radnih navika u inostranstvu i da oni oblikuju ne samo život lokalne zajednice, već i svoj život i karijere. Oni su u svakom pogledu jednaki sa građanima Bosne i Hercegovine”.

prim. dr. Zijad Nišić, gradonačelnik Brčko distrikta BiH

USAID Diaspora Invest: Brčko distrikt BiH je primjer drugima

„Brčko distrikt BiH je primjer drugima i već sada su svjedoci povećanih ulaganja u lokalnu zajednicu. USAID je jedna od prvih organizacija koje su prepoznale potencijal bh. dijaspore. Proteklih sedam godina neumorno smo radili te osigurali podršku za preko 200 startupa i firmi iz dijaspore koje su u ranim fazama svog poslovanja. Ta privredna društva su generisala više od 2.800 radnih mjesta u 74 grada i mjesta, od čega je značajan broj u nerazvijenim područjima”.

Emily Coffman Krunic, zamjenica direktorice Misije USAID-a u BiH



„Kao dokaz naše opredijeljenosti da radimo na uspostavi i unapređenju saradnje s našim iseljenicima jest i izrada strateškog dokumenta usmjerenog na privredni razvoj, pružanje usluga, podsticanje investicija i stvaranje povoljnih uvjeta za poslovanje i povratak naših iseljenika u matičnu sredinu”.

Miroslav Geljić, šef Odjeljenja za evropske integracije i međunarodnu saradnju u Vladi Brčko distrikta BiH

„Brčko može dijaspori ponuditi značajan potencijal u poljoprivredi, koja je jedan od najbrže rastućih sektora na ovom području, kao i u proizvodnji. Generalno, kada je riječ o Bosni i Hercegovini, dijaspora pokazuje interes za razne sektore, uključujući metaloprerađivačku industriju, drvni sektor, turizam, solarnu energiju, pa sve do ekoloških projekata.”

Marko Kubatlija, direktor Agencije za unapređenje stranih investicija u BiH (FIPA)



Riječ investitora



„Ljubav prema domovini nas je potakla na razmišljanje, a uz sve potencijale, vidjeli smo mnogo, shvatili smo da imamo dobar poredak jer smo otvorili firme u Austriji i Sloveniji i vidjeli da je jako jednostavno u Brčkom riješiti sve neophodne korake za registraciju, čak i za strane državljanje. Svakodnevno ohrabrimo, posebno one koji duže vrijeme razmišljaju, da poduzmu taj korak, jer je jako jednostavno i ima mogućnosti za uvezivanje, za izvoz na evropsko tržište, za podsticaje i sredstva.”

Redžo Muratović, ILUM Industrijska rješenja

UVEZIVANJE DIJASPORE



Želite li i vi biti dio ove priče? Pridružite nam se u uvezivanju dijaspore!

Brčko distrikt BiH daje priliku svim zainteresovanim sugrađanima iz dijaspore da daju svoj doprinos i budu dio razvoja zajednice. Pozivamo vas da popunite anketu koja ima cilj informisanje i uključivanje naše dijaspore u budućne aktivnosti. Upitnik je dostupan na web stranici Vlade Brčko distrikta BiH, zajedno sa svim važnim linkovima:

UPITNIK


Podržano od / Supported by



NEWSLETTER

- 1 -

Avгуст 2024. - BRČKO DISTRIKT BIH



Ovaj bilten je pripremljen zahvaljujući podršci američkog naroda putem Američke agencije za međunarodni razvoj (USAID). Sadržaj ovog materijala isključivo je odgovornost Brčko distrikta BiH i ne odražava nužno stavove USAID-a ili Vlade Sjedinjenih Američkih Država.